

**Oqaluuserisassat pillugit nassuiaat.**

(Inatsisartut Siulittaasoqarfiat)

Ilaqutariinnermut Peqqissutsimullu ataatsimiititaliaq qinnuteqarpoq oqaluuserisassani immikkoortup 21-p, Angajoqqaarsiat aamma ilaqutariit oqilisaasut meeqqanut paarisaminnut ilaquataangitsut minnerpaamik 25-nik ukioqalereersimasarnissaat aalajangersaaffigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut aappassaaneerpeqarnissaata UKA 2012-mut kinguartinneqarnissaannik. Immikkoortoq pineqartoq ulloq 10. maj aappassaaneerpeqartussaagaluarpog.

Immikkoortoq 61, Aatsitassanut ikummatissanullu inatsisip allanngortilersaarneqarneranut atatillugu ullumikkut avatangiisit illersornissaannik Inatsisartut inatsisaanni kapitali 14-imiit-tumisut immikkut maalaarfiusinnaasumut malittarisassannik Naalakkersuisut siunnersuuteqaqqullugit Inatsisartut aalajangiiffigisassaattut siunnersuut aamma

immikkoortoq 127, Kingusinnerpaamik UPA 2013-imi saqqummiunneqartussamik Kalaallit Nunaanni aatsitassannik piiarneqartunik aatsitassarsiortut kaaviiartitaat tunngavigalugu nunata karsiata siunissami aatsitassannik misissuinnermik piiannermillu akuersissutit aqputigalugit isertitaqalernissaa qulakkeerniarlugu, kaaviiartitsineq aallaavigalugu pisuussutinut akileraarummik aaqquussuussinnermik eqquussinissaq siunertarlugu, aatsitassanut akileraarusersuisarnerlu pillugit inatsisip naapertuuttut allanngortinneqarnissaat siunertarlugu kiisalu ingerlat-sivinnut pisuussutinik akileraarusersuinnermik atuutilertitsiviusunut suliffeqarfinnut akileraarut-inut akiliutaasa appartinneqarnissaat siunertarlugu inatsisip allannguutissatut siunnersuuti-nik Naalakkersuisut saqqummiussinissaannik Inatsisartuni aalajangiiffigisassatut siunnersuut ulloq taanna avissaartillugit suliarineqassapput.

Inatsisartunut ilaasortaq Kim Kielsen 26. april 2012 ilanngullugu napparsimalluni nalunaarsi-mavoq.

Piffissami ullumi aprilip 24-aniit aprilip ulluisa 26-at 2012 ilanngullugu Inatsisartuni ilaa-sortat Kim Kielsen, Siumut aamma Isak Hammond, Inuit Ataqtigiit kiisalu Naaja Nathani-elsen, Inuit Ataqtigiit aamma Karl Lyberth, Siumut ullumi ataatsimiinnermi taasisarnerit pil-lugit isumaqtigiissuteqarput.